

Přispomnjenje přihotowarja.

Bu mi přez knjeza prof. dr. E. Muku 14 wšelakich zešiwkow — z džěla z napismom, z džěla bjez napisma — přepodatych z tymle nadawkom:

„1. Cyły nastawk ma so do něhdže dweju abo třoch džělow džělic;

2. w kóždym džělu maju so mjena alfabetiscy zřadowaé;

3. žane słowo so wospjetowaé nima, ale ma jeničcy w jenym džěle raz staé, je-li logika wuwzaća nježada;

4. přirunaé mataj so hižo wozjewjenaj nastawkaj w Čas. M. S. 1896 str. 133 sl. a 1906 str. 3 sl. a wot tam sem přenjesé, štož snano tu njeje zapisane, zo by tón wudawk był dospołny,

a 5. připoložena Rostokowa zběrka ma so z Pfulowym słownikom přirunaé a štož w Pfulu njesteji, ma so tu do Wjeloweje zběrki přijéć, ale pod čaru — do přispomnjenjow.“ — Zbytne — nimo přenjeju dweju — 12 zešiwkow rjaduje (praji mi dalši rozkaz) do jenoho abo dweju džělow alfabetiscy, kaž to za najlěpše změjeće.

Po tymle rozprajenju sym wšitke 14 abo 15 zešiwkow do drobna přehladał, zo maćiznu samu a jeje wobsah dospołnje zeznach a bych po tym wšo dalše džělo disponowaé mohł. Džělo same so wobšěrne, drobnuške a sprócniwe pokaza. Přede wšěm — skónčnje wunamakana — kolija so hnydom njepokazowaše, dokelž měješe so wša maćizna zwučerpaé a nałožic, zo z wonych zešiwkow so njeby nič zhubilo. Haj, tež wosebity 3. nastawk, w Čas. M. S. z lěta 1906 str. 127—136 podaty, sym z dobom do drobna přehladał z njeho to a tamne do cyłego džěla zarjadował.